



重刻州堂詩餘序




古太師陳民風取唐俗而里巷
之歌謠皆得以昭乎於異代說
者謂齊章曲者曰歌無章曲曰
謠而註韓註者又云取是改也
則曲調王後來出變也擊壤其
濫觴乎望陽春則其流演矣君

學謂風雅同出而異用是故豳
風亦曰雅而大小雅亡變則曰
風非喪雅之雅不用而昆杼也
風變而為騷賦入漢魏則流為
五言五言其唐體也祖兮蓋再
變而曲調成猶黃鐘也丙變而
齊子磬變半聲此入調焉耳王

有出于樂之外也詛餘曲而盡
婉而成章其次調成而四備者
乎好古者可改考風而知化矣
唐多韻宋多典次多詞心學士
心所操弄而歲君羸囚之意又
每托于婦人女子之詞則其哀
能百已亡情真有足以感動人

者其志大可採矣其大約皆本
詩亡六義豈曰取其辭而已乎
間各艷辭亦並抒以盡其變也
變極則反反而正不負詩於世
耶夫殷詩古樂之餘耳詘餘又
其支流也若溯流窮源以求所
謂古中宣風者則不在詩餘也
例舊集分爲上下卷今仍之刻
于陸心龍三書

嘉靖甲寅春日尚塗楊金識



草堂詩餘卷上

前集

目錄

瑞龍吟

水龍吟 九首

丹鳳吟

釵頭鳳

鳳凰臺上憶吹簫

鳳凰閣

鷓鴣天 九首

瑞鶴仙 三首

鵲橋仙 三首

夜飛鵲

喜遷鶯 四首

黃鶯兒

雙雙燕

燕歸梁

玉蝴蝶

摸魚兒

魚遊春水

金明池

謁金門 七首

御街行

萬年歡

歸朝歡 二首

賀聖朝

千秋歲 三首

千秋歲引

錦纏道

畫錦堂

寶鼎現

玉漏遲

玉樓春 十一首

錦堂春

畫堂春 二首

漢宮春 三首

帝臺春

絳都春 二首

海棠春

武陵春 二首

洞庭春

謝池春

洛陽春 二首

一枝春

沁園春 二首

春光好

慶春澤

慶春宮

燕春臺

高陽臺

清平樂 二首

西平樂

求遇樂

虞美人 五首

解語花

傳言玉女

金人捧露盤

風流子 四首

綺羅香

桂枝香

草堂詩餘卷上

前集

瑞龍吟

春情

周美成

花庵詞客云周美成此詞自章臺路至歸來舊處是第一段自黯凝眸至盈盈笑語是第二段此謂之製拽頭屬正平調自前度劉郎以下即犯大石係第三段至歸來舊處以下即犯正平今諸本皆於吟賦筆處分段者非也

章臺路

秦有章臺路

還是根粉梅稍試花桃樹情情

坊陌人家定巢燕子歸來舊處○黯凝竚因念

箇人癡小乍窺門戶侵晨淺約宮黃李賀詩宮人面壓黃

障風映袖盈盈笑語○前度劉郎重到訪鄰尋

里同時歌舞惟有舊家秋娘聲價如故吟牋賦

筆猶記燕臺句。李義山詩知誰伴名園露飲東

城閑步。事與孤鴻去。探春盡是傷離緒。官柳低

金縷。歸騎晚。纖纖池塘飛雨。斷腸院落一簾風

絮。

水龍吟

陳同甫

闌花深處層樓畫簾半捲東風軟。春歸翠陌平

莎茸嫩。垂楊金淺。遲日催花淡。雲閣雨輕寒輕

暖。恨芳菲世界。遊人未賞。都付與鶯和燕。○寂

寞憑高念遠。向南樓一聲歸鴈。金釵鬪草青絲

勒馬風流雲散。羅袖分香翠綃封淚。幾多幽

正銷魂。又是疎煙淡月。子規聲斷。

水龍吟

陸務觀

摩訶池上追遊路。紅綠參差春晚。韶光妍媚海

棠如醉。桃花欲暖。挑菜初閑。荆楚記寒食挑菜禁烟將

近。一城絲管。看金鞍爭道。香車飛蓋。爭先占新

亭館。○惆悵年華暗換。黯銷魂。雨收雲散。鏡奩

掩月。釵梁折鳳。箏絃零鴈。身在天涯。亂山孤壘

危樓飛觀。歎春來。只有楊花和恨。向東風滿。

水龍吟

章質夫

燕忙鶯懶。芳殘正堤上柳花飄墜。輕飛亂舞。點

畫青林全無才思。閑趁遊絲靜臨深院。日長門
閉。傍珠簾散漫。垂垂欲下。依前被風扶起。○蘭
帳玉人睡覺。怪春衣雪霽。瓊綴繡床。漸滿香毬。
無數纔圓却碎。時見蜂兒。仰粘輕粉。魚吞池水。
望章臺路。香金鞍遊蕩。有盈盈淚。

水龍吟

蘇子瞻

曲有舊聞云章質夫水龍吟詠揚花其
命意用事清麗可嘉東坡和之若豪放
不入律呂徐而視之聲韻諧婉便覺質
夫詞有纖綺工天故是叔用云東坡如
毛嬌西施盡洗却面與天下
婦人同好質夫豈可止耶

似花還似飛花也。無人惜從教墜。拋家傍路思
量却是無情有。思縈損柔腸。困酣嬌眼欲開還
閉。夢隨風萬里。尋郎去處。又還被鶯呼起。○不
恨此花飛盡。恨西園落紅難綴。曉來雨過遺蹤
何在。一池萍碎。春色三分。二分塵土。一分流水。
細看來不是楊花。點點是離人淚。

水龍吟

劉叔安

弄晴臺館收煙候。時有燕泥香墜。宿醒未解。單
衣初試。騰騰春思。前度桃花去年人面。重門深
閉。記彩鸞別後。青驄歸去。長亭路芳塵起。○十
二屏山遍倚。任蒼苔點紅如綴。黃昏人靜。煖香

吹月一簾花碎芳意婆娑綠陰風雨畫橋烟水
笑多情司馬留春無計濕青衫淚。

水龍吟 梨花

周美成

素肌應怯餘寒艷陽占盡青蕙地樊川照日靈
關渡路殘紅斂避傳火樓臺妬花風雨長門深
閉亞簾櫳半濕一枝在手偏勾引得黃昏淚○
別有風前月底布繁英滿園歌吹朱鉛退盡潘
妃却酒昭君乍起雪浪翻空粉裳編夜不成春
意恨玉容不見瓊英漫好與何人比。

水龍吟 壽生

辛幼安

渡江天馬南來幾人真是經綸手長安父老新
亭風景可憐依舊夷甫諸人神州沉陸幾曾回
首筭平戎萬里功名本是真儒事君知否○况
有文章山斗對桐陰滿庭清晝當年墮地而今
試看風雲奔走綠野風煙裴度有綠野堂平泉草木李德裕有平泉莊東山歌酒謝安有東山之勝待他年整頓乾坤
事了爲先生壽

水龍吟 春情

秦少游

高齋詩話云秦少游在蔡州與營妓婁
婉字東王者甚密贈之詞云小樓連苑
橫空又云王佩下東別後是也又贈妓
陶心兒河南歌子云王漏迢迢盡銀河

淡淡黃黃。四宿酒未全醒。已被鄰鷄催起。怕天與。○臂上。猶在襟間。淚尚盈。水邊燈火。潮人行。天外一鉤。殘月帶三星。末句謂心字也。

小樓連苑橫空。下窺繡轂。雕鞍驟。踈簾半捲。單衣初試。清明時候。破暖輕風。弄晴微雨。欲無還。有賣花聲。過盡垂楊院。落紅成陣。飛鴛毳。○玉佩丁東。別後。悵佳期。參差難。又名韁利鎖。天還知道。和天也瘦。花下重門。柳邊深巷。不堪回首。念多情。但有當時皓月。照人依舊。

水龍吟

蘇子瞻

楚山脩竹如雲。異材秀出千林表。龍鬚半剪。鳳

膺微漲。玉肌勻繞。木落淮南。雨晴雲夢。月明風

裊。自中郎不見。蔡邕為中郎。將避難。江南宿於

之。曰此良竹。桓伊去後。晉王徽之聞桓伊善笛

也。取以為笛。君善笛。請為我一奏。伊知辜負秋多少。○聞知

嶺南太守。後堂深綠珠嬌小。綺窓學弄。梁州元

間。西梁州。初遍霓裳。明皇遊月宮。因製未了。嚼

徵含宮。泛商流羽。一聲雲杪。為君洗盡蠻風瘴

雨作霜天曉。

丹鳳吟

周美成

迤邐春光無賴。翠藻翻池。黃蜂遊閣。朝來風暴

飛絮亂投簾幙。生憎暮景，倚墻臨岸，杏靨天邪。
榆錢輕薄，晝永思惟，傍枕睡起無憀。殘照猶在
庭角。○况是別離氣味，坐來便覺心緒惡。痛引
澆愁酒，奈愁濃如酒，無計銷鑠。那堪昏暝，軟軟
半簷花落。弄粉調朱，柔素手，問何時重握。此時
此意，長怕人道着。

釵頭鳳

陸務觀

齊東野語云：陸務觀初娶唐氏，閨之女也。於其母夫人為姑姪位，儷相得而弗獲。於其姑既出而未忍絕之，則為別館。時時往焉，姑知而掩之，雖先知，挈去然事不得隱，竟絕之。亦人倫之變也。唐後改適同郡宗子士程，嘗以春日出游，相

遇於禹跡寺南之沈氏閣，唐以語趙遣致酒，殺翁悵然久之，為賦釵頭鳳一詞。

題園壁
問云

紅酥手，黃藤酒，滿城春色官墻柳。東風惡，歡情薄。一懷愁緒幾年離索，錯錯。春如舊，人空瘦。淚痕紅浥鮫綃透。桃花落，閑池閣。山盟雖在，錦書難托。莫莫莫。

鳳凰臺上憶吹簫

李易安

香冷金猊，被翻紅浪，起來慵自梳頭。任寶奩塵滿，日上簾鉤。生怕離懷別苦，多少事欲說還休。新來瘦，非干病酒，不是悲秋。○休休。這回去也。

草堂詩餘卷上
千萬遍陽關也。則難留。念武陵人遠。煙鎖秦樓。
惟有樓前流水。應念我終日凝眸。凝眸處。從今
又添一段新愁。

鳳凰閣

遍園林綠暗。渾如翠幄。下無一片是花萼。可恨
狂風橫雨。忒殺情薄。盡底把韶華送却。○楊花
無柰。是處穿簾透幙。豈知人意正蕭索。春去也
這般愁。沒處安着。怎柰向黃昏院落。

鷓鴣天

辛幼安

着意尋春懶便回。何如信步兩三盃。山纔好處
行還倦。詩未成時雨早催。○携竹杖。更芒鞋。朱
朱粉粉野蒿開。誰家寒食歸寧女。笑語柔柔陌
上來。

鷓鴣天

朱希真

梅妬晨粧雪妬輕。遠山依約與眉青。樽前無復
歌金縷。夢覺空餘月滿林。○魚與鴈。兩浮沉。淺
顰微笑揔關心。相思恰似江南柳。一夜東風一
夜深。

鷓鴣天

擬上高樓欲散愁。柰愁隨我上高樓。經行眼底

青山徧點檢。簪邊白髮稠。○歸去去去休休。不
成人揔待封侯。蒼煙起處孤雲白。人若如雲儘
自由。

鷓鴣天

晏叔原

彩袖慙慙捧玉鍾。當年拚却醉顏紅。舞低楊柳
樓心月。歌盡菡花扇底風。○從別後。憶相逢。幾
回寃。寧與君同。今宵剩把銀缸照。猶恐相逢是
夢中。

鷓鴣天

枝上流鶯和淚聞。新啼痕。舊啼痕。一春魚鳥

無消息。千里關山勞夢魂。○無一語對芳尊。安
排腸斷到黃昏。甫能炙得燈兒了。雨打梨花深
閉門。

鷓鴣天 漁父

黃魯直

山谷自序云李如麓云玄真子漁父詞以鷓鴣天歌之極入律但少數句因以玄真子遺事足之憲宗畫像訪之江湖不得因令集其歌詩上之玄真兄松巖懼其放浪而不返和其漁歌云樂在風波釣是閑草堂松桂已勝攀太湖水洞庭山狂風浪起且須還此余續成之意

西塞山邊白鷺飛。桃花流水鱖魚肥。朝廷尚覓

玄真子

張志和號玄真子

何處如今更有詩。○青箬笠

綠簾衣斜風細雨不須歸。人間欲避風波險，
作一人間底是無波處一日風波十二時。

鷓鴣天 上元

向伯恭

紫禁煙花一萬重。龍山宮闕隱晴空。玉皇端拱
彤雲上，人物嬉遊陸海中。○星轉斗，駕回龍。五
侯池館醉春風。而今白髮三千丈，愁對寒燈數
點紅。

鷓鴣天 重陽

黃菊枝頭破曉寒。人生莫放酒盃乾。風前橫笛
斜吹雨，醉裏簪花倒着冠。○身健在，且加餐。舞
裙歌板盡清歡。黃花白髮相牽挽，付與時人冷
眼看。

鷓鴣天 桃花菊

一種穠華別樣粧。留連春色到秋光。解將天上
千年艷，翻作人間九日黃。○凝薄霧，傲繁霜。東
籬恰似武陵鄉。有時醉眼偷相顧，錯認陶潛作
阮郎。

鷓鴣天 上元

康伯可

蘇詞話云伯可渡江初有聲樂府受
命奏申王王薦於高宗皇帝以文詞待
詔金馬門凡中興勳餘治具及慈寧歸
養兩宮歡集必假伯可之歌詠故應制

賞風柔夜暖以下數句至於末章賜金

甚厚

瑞煙浮禁苑。正絳闕春回。新正方半。冰輪桂華滿。溢花衢歌市。芙蓉開遍。龍樓兩觀。見銀燭星毬。有爛捲珠簾。盡日笙歌盛集。寶釵金釧。○堪羨。綺羅叢裏。蘭麝香中。正宜遊翫。風柔夜暖。花影亂笑聲喧。鬧蛾兒。上元夜造火蛾兒滿路成團打塊。簇着冠兒。闔轉喜皇都舊日。風光太平再見。

瑞鶴仙

卷情

田美成

悄郊原帶郭。行路求客去。車塵漠漠。斜陽映山落。歛餘紅猶戀。孤城攔角。凌波步弱。過短亭何用素約。有流鶯勸我重解綉鞍。緩引春酌。○不記歸時。早暮上馬誰扶。醒眠朱閣。驚颺動幕。扶殘醉。透紅藥。嘆西園已是花深無地。東風何事又惡。任流光過却。猶喜洞天自樂。

瑞鶴仙

歐陽永叔

臉霞紅印枕。睡覺來冠兒還是。不整。屏間麝煤冷。但眉山壓翠。淚珠彈粉。堂深畫未。燕交飛。風簾露井。恨無人與說相思。近日帶圍寬盡。○重省殘燈朱幌。淡月紗窓。那時風景。陽臺路遠。雲

兩夢便無準。待歸來先指花稍教看。却把心期細問。問因循過了青春。怎生意穩。

鵲橋仙 七夕

謝勉仲

鈎簾借月。染雲爲幌。花面玉枝交映。涼生河漢。一天秋問。此會今宵孰勝。○銅壺尚滴。燭龍已駕。淚浥西風不盡。明朝烏鵲到人間。試說向青樓薄倖。

鵲橋仙

秦少游

織雲弄巧。飛星傳恨。銀漢迢迢暗度。金風玉露一相逢。便勝却人間無數。○柔情似水。佳期如

夢。忍顧鵲橋歸路。兩情若是久長時。又豈在朝朝暮暮。

夜飛鵲 惜別

周美成

河橋送人處。涼夜何其。斜月遠墮餘輝。銅盤燭淚已流盡。霏霏涼露。霜衣相將散。離會處。探風前。津鼓樹杪參旗。華駉會意。縱揚鞭亦自行遲。○迢迢路回。清野人語漸無聞。空帶愁歸。何意重紅滿地。遺鈿不見。斜徑都迷。兔葵燕麥。向殘陽影與人齊。但徘徊班草。班荆之義。啼噓酹酒。極望天西。

喜遷鶯 立春

胡浩然

雙溪老人云浩然此詞先記節序次
述宴賞末歸應時納祐尤有歸宿

譙門殘月聽畫角曉寒梅花吹徹瑞日烘雲和
風解凍青帝乍臨東闕暖向土牛簫鼓天路珠
簾高揭最好是戴綵幡春勝釵頭雙結荆楚歲
春日悉剪綵為燕以戴之鄭毅夫云○竒絕開
宴處珠履玳簪漢殿開簪雙綵斐併和春色上釵頭歌喉縹
緲壓倒柳腰鶯舌勸我應時納祐還把金爐香
爇願歲歲這一卮春酒長陪佳節

喜遷鶯 閏元宵

吳子和

銀蟾光彩喜稔歲閏正元宵還再樂事難并佳
時罕遇依舊試燈何礙花市又移星漢蓮炬重
芳人海盡勾引徧嬉遊寶馬香車喧隘○晴快
天意教人月更圓償足風流債媚柳煙濃天桃
紅小景物迥然堪愛巷陌笑聲不斷襟袖餘香
仍在待歸也便相期明日踏青挑菜

喜遷鶯 端午

梅霖初歇正絳色海榴爭開佳節角黍包金香
蒲切玉是處玳筵羅列鬪巧盡輸年少玉腕綵
絲雙結艤綵舫見龍舟兩兩波心齊發○竒絕

難畫處。激起浪花翻作湖。開雪畫鼓轟雷。紅旗
掣電奪罷錦標。方徹望中水天日暮。猶自珠簾
高揭。歸棹晚載荷香十里。一鉤新月。

喜遷鶯

壽生

康伯可

此詞語意儘佳。惜皆屬
龜之語。蓋為繪相作耳。

臘殘春早。正簾幙護寒樓臺清曉。寶運當千。佳
辰餘五。嵩嶽誕生元老。帝遣阜安宗社。人仰雍
容廊廟。盡總道是文章孔孟。勲庸周召。○師表
方春。遇魚水君臣。須信從年少。玉帶金魚。朱顏
綠鬢。占斷世間榮耀。篆刻鳴鑿。將遍整頓乾坤
都了。願歲歲見柳梢青淺。梅萼紅小。

黃鶯兒

詠鶯

柳耆卿

園林晴晝春誰主。暖律潛催。幽谷暄和。黃鸝翻
翩乍遷芳樹。觀露濕縷金衣。明皇呼黃鶯兒
為金衣公子葉

映如簧語。曉來枝上綿蠻。似把芳心深意低訴。
○無據。乍出暖煙來。又趁遊蜂去。恣狂蹤跡。兩
兩相呼。黃昏霧吟風舞。當上苑柳濃時。別館花
深處。此際海燕偏饒。都把韶光與。

雙雙燕

詠燕

史邦卿

過春社了。度簾幕中間。去年塵冷。差池欲住。試

入舊巢相並。還相雕梁藻井。又軟語商量不定。
飄然快拂花梢。翠尾分開紅影。○芳徑芹泥雨
潤。愛貼地爭飛。競誇輕俊。紅樓歸晚。看足柳昏
花暝。應自棲香正穩。便忘了天涯芳信。愁損翠
黛雙蛾。日日畫欄獨凭。

燕歸梁

離懷

柳耆卿

織錦裁篇寫意深。字直千金。一回披翫。一恣吟。
腸成結。淚盈襟。○幽歡已散前期遠。無聊賴。是
而今。密憑歸燕寄芳音。恐冷落舊時心。

王蝴蝶

柳耆卿

望處雲收雨斷。凭欄悄悄。月送秋光。晚景蕭疎。
堪動宋玉悲涼。水風輕蘋花漸老。月露冷梧葉
飄黃。遣情傷。故人何在。煙水茫茫。○難忘文期
酒會。幾辜風月。屢變星霜。海濶山遙。未知何處
是瀟湘。念雙燕難憑遠信。指暮天空。識歸航。黯
相望。斷鴻聲裏。立盡斜陽。

摸魚兒

退居

晁無咎

買陂塘旋栽楊柳。依稀淮岸湘浦。東臯雨過新
痕漲。沙觜鷺來鷗聚。堪愛處。最好是一川夜月
光流注。無人自舞。任翠幄張天。柔柎藉地。酒盡

未能去。○青綾被休憶金閨故步。儒冠曾把身
誤。弓刀千騎成何事。荒了邵平瓜圃。君試覩。蒲
青鏡星星鬢影。今如許。功名浪語。便似得班超
封侯。萬里歸計恐遲暮。

摸魚兒 春情

辛幼安

鶴林王露云詞意殊怨斜陽烟柳之句
其與未須愁日暮天際乍輕陰者異矣
使在漢唐時寧不賈種豆種黍之禍哉
愚聞壽皇見此詞頗不悅然終不加罪
可謂盛德也已其題江西造口詞鬱孤
臺下清江水中間多少行人淚西北是
長安可憐無數青山深開鵝鵝蓋南渡
流去江晚正愁予山深開鵝鵝蓋南渡
之物虜人追隆裕太后御舟至造口不
及而還幼安因此起興開鵝鵝之句謂

慨復之事
行不得也

更能消幾番風雨。匆匆春又歸去。惜春長怕花
開早。何況落紅無數。春且住。見說道天涯芳草
迷歸路。怨春不語。算只有殷勤。畫簷蛛網。盡日
惹飛絮。○長門事。準擬佳期。又誤。娥眉曾有人
妬。千金縱買相如賦。脉脉此情誰訴。君莫舞。君
不見。玉環。楊妃。小飛燕。漢后。趙。皆塵土。閑愁最
苦。休去倚危欄。斜陽正在。煙柳斷腸處。

魚遊春水

復齋漫錄云政和中一中貴人使越州
回得詞於古碑陰無名無譜不知何人

作也錄以進御命大晟府填腔因詞中
語賜名魚遊春水云古今詞話云東都
防河卒於汴河上掘地得石刻有詞一
闕不題其目臣僚進上上喜其藻思絢
麗欲命其名遂據詞中四字名曰魚遊
春水今教坊倚聲歌之詞凡九十四字
而風花鶯鶯動植之物曲盡之此唐
人語也後莫能及二說未知孰是

秦樓東風裏燕子還來尋舊壘餘寒猶峭紅日
薄侵羅綺嫩草方抽碧玉茵媚柳輕拂黃金縷
鶯囀上林魚遊春水○幾曲欄干遍倚又是一
番新桃李佳人應恠歸遲梅粧淚洗鳳簫聲絕
沉孤雁望斷清波無雙鯉雲山萬重寸心千里

金明池

瓊苑金池青門紫陌似雪楊花滿路雲日淡天
低晝未過三點兩點細雨好花枝半出墻頭似
悵望芳草王孫何處更水遠人家橋當門巷燕
燕鶯鶯飛舞○怎得東君長爲主把綠鬢朱顏
一時留住佳人唱金衣莫惜才子倒玉山休訴
况春來倍覺傷心念故國情多新年愁苦縱寶
馬嘶風紅塵拂面也則尋芳歸去

謁金門

鴛鴦浦春漲一江花雨隔岸數聲初過櫓晚風
生碧樹○舟子相呼相語載取暮愁歸去寒食

江村芳草路。愁來無着處。

謁金門

空相憶。無詩與傳消息。天上嫦娥人不識。寄書何處覓。○春睡覺來無力。不忍把伊書跡。滿院落花春寂寂。斷腸芳草碧。

謁金門

春雨足。染就一溪新綠。柳外飛來雙羽玉。美晴相對浴。○樓外翠簾高軸。倚遍欄干幾曲。雲淡水平煙樹簇。寸心千里目。

謁金門

愁脉脉。目斷江南江北。煙樹重重芳信隔。小樓山幾尺。○細草孤雲斜日。一向美晴天色。簾外落花飛不得。東風無氣力。

謁金門

馮延巳

風乍起。吹皺一池春水。閑引鴛鴦芳徑裏。手按紅杏蕊。○闌鴨闌干獨倚。唐陸龜蒙有闌鴨一闌碧玉搔頭斜墜。白氏長恨歌翠辇金雀王嬪頭終日望君君不至。舉頭聞鵲喜。

謁金門

賀方回

溪水急。無數落花流出。燕子分泥蜂釀蜜。遲遲

豔風曲。○須信芳菲隨失。况復佳期難必。擬把
此情書萬一。愁多翻閣筆。

謁金門

花滿院。飛去飛來雙燕。紅雨入簾寒不捲。曉屏
山六片。畫屏也。○翠袖玉笙悽斷。脉脉兩蛾愁淺。
消息不知郎近遠。一春長夢見。

御街行

離懷

范希文

紛紛墜葉飄香砌。夜寂靜、寒聲碎。眞珠簾捲玉
樓空。天淡銀河垂地。年年今夜。月華如練。長是
人千里。○愁腸已斷無山醉。酒未到、先成淚。殘

燈明滅。枕頭欹。諳盡孤眠滋味。都來此事。眉間
心上。無計相回避。

萬年歡

上元

胡浩然

燈月交光。漸輕風布暖。先到南國。羅綺嬌容。十
里絳紗籠燭。花艷驚郎醉目。有多少佳人如玉。
春衫袂。整齊齊。內家新樣粧束。○歡情未足。
更闌謾勾牽。舊恨縈亂心曲。悵望歸期。應是紫
姑頻卜。暗想雙眉對。處斷絃。待鸞膠重續。休迷
戀。野草閑花。鳳簫人在金谷。

歸朝歡

春情

馬莊父

聽得提壺沽美酒。提壺盧沽美酒鳥名人道杏花深處有。杏花狼籍鳥啼風。十分春色今無九。麝煤銷末。畫青烟飛上庭前柳。畫堂深不寒不暖。正是好時候。○團圓寶月憑纖手。暫借歌喉。招舞袖。真珠滴破小槽紅。香肌縮盡纖羅瘦。投分須白首。黃金散與親和舊。且銜盃。壯心未落。風月長相守。

歸朝歡

張子野

聲轉轆轤聞露井。曉引銀瓶。牽素綆。西園人語。夜來風。叢英飄墮。紅成逕。寶甃烟未冷。蓮臺香蠟。殘痕凝等身金。誰能得意買此好光景。○粉落輕粧。紅玉瑩。月枕去聲橫。釵雲墜。領有情無物。不雙栖。文禽只合常交頸。晝夜歡豈定。爭如畚作春宵永。日曛曨。嬌柔懶起。簾壓捲。花影。

賀聖朝

葉道卿

滿斟綠醕留君住。莫匆匆歸去。三分春色二分愁。悶一分風雨。○花開花謝。都來幾。且高歌。休訴。知他來歲。牡丹時候。相逢何處。

千秋歲

秦少游

后山詩話云。王平甫之子嘗云。今語例襲陳言。但能轉移耳。世稱此詞。愁如海。

為新奇不知李后主虞美人詞已云問
 君還以江為海耳冷齋夜話云少游小詞
 但麗詠歌之想見其神情在絳闕道山
 奇麗也余兄思禹使余賦崔徽頭子詞
 之詞韻曰半身屏外睡覺唇紅退春思
 因次韻曰碎空餘簪髻玉不見流蘇帶誰
 亂芳心秀韻誰宜對○湘浦曾同會
 與問今人疑是夢中尤在十分春易
 手一青羅蓋疑是夢中尤在十分春易
 畫一點情難改多少事却隨恨遠連雲
 海

柳邊沙外城郭輕寒退花影亂鶯聲碎飄零踈
 酒盞離別寬衣帶人不見碧雲暮合空相對○
 憶昔西池會鴛鴦同飛蓋王筠詩偏舟泛西携
 手處今誰在日邊清夢斷鏡裏朱顏改春去也

落紅萬點愁如海。

千秋歲

謝無逸

棟花飄砌。款款清香細。梅雨過。蘋風起。情隨湘
 水遠。夢遶吳峰翠。琴書倦。鴈鴣喚起南窗睡。○
 密意無人寄。幽恨憑誰洗。脩竹畔。疎簾裏。歌餘
 塵拂扇。舞罷風掀袂。人散後。一鉤淡月天如水。

千秋歲 壽生

塞垣秋草。又報平安好。樽俎上英雄表。金湯生
 氣象。珠玉霏談笑。春近也。梅花得似人難老。○
 莫惜金樽倒。鳳詔看看到。留不住。江東小。從容

惟幄裏整頓乾坤了。千百歲從今盡是中書考。

郭子儀身任安危者四十餘年檢中書令考二十四區貴壽考哀榮終始

千秋歲引

王介甫

別館寒砧孤城畫角。一派秋聲入寥廓。東歸燕

從海上去南來。鴈向沙頭落。楚臺風楚王遊蘭臺有風颯

至。庾樓月庾亮在武昌與諸佐吏月夜登南樓宛如昨。○無奈被

些名利縛。無奈被他情擔閣。可惜風流總閑却。

當初漫留華表語。而今誤我秦樓約。夢闌時酒

醒後思量着。

錦纏道

燕子啞喃景色乍長春。畫觀園林萬花如綉。海

棠經雨。臘脂透柳。展宮眉翠拂行人首。○向郊

原踏青恣歌携手。醉醺醺尚尋芳酒。問牧童遙

指孤村道杏花深處那裏人家有。

畫錦堂

雨洗桃花風飄柳絮。日日飛滿雕簷。懊恨一春

幽恨盡屬眉尖。愁聞雙飛新燕語。更堪孤枕宿

醒忡。方言青齊呼雲鬟亂獨步畫堂輕風暗觸

珠簾。○多厭晴晝永瓊戶悄香銷金獸慵添。自

與蕭郎別後事事俱嫌。短歌新曲無心理。鳳簫

龍管不曾拈。空惆悵長是每年三月病酒厭厭。

寶鼎現 上元

夕陽西下暮靄紅隘香風羅綺乘麗景華燈爭
放濃焰燒空連錦砌。靚皓月浸嚴城如畫花影
寒籠絳蕊漸掩映芙蓉渠萬頃迤邐齊開秋水。
太守無限行歌意擁麾幢光動珠翠傾萬井歌
臺舞榭瞻望朱輪駢鼓吹控寶馬耀貔貅千騎。
銀燭交光數里似亂簇寒星萬點擁入蓬壺影
裏。○宴閣多才環艷粉羅簪珠履恐看看丹詔
催奉宸遊燕侍便趁早占通宵醉。緩引笙歌妓。

任畫角吹老寒梅月滿西樓十二。

玉漏遲

杏香飄禁苑須知自古皇都春早燕子來時綉
陌漸薰芳草蕙圃天桃過雨弄碎影紅篩清沼
深院悄綠楊影裏鶯聲低巧。○早是賦得多情
更對景臨風鎖辜歡笑數曲欄干故人謾勞登
眺。天際微雲過盡亂峰鎖一竿斜照歸路杳東
風淚零多少。

玉樓春 立春

毛澤民

小園半夜東風轉吹破冰池雲母面曉披闥闔

見朝陽知向碧堦添幾線。○小煙弄柳晴先暖。
殘雪禁梅香尚淺。殷勤洗拂舊東君。多少韶華
都借看。

王樓春 寒食

謝無逸

弄晴數點梨花雨。門外畫橋寒食路。杜鵑飛破
草間煙。蛺蝶惹殘花底霧。○東君着意憐樊素。
一段韶華都付與。粧成不管露桃。嗔舞罷從教
風柳妬。

王樓春 春情

溫飛卿

家臨長信往來道。乳燕雙雙拂煙草。油壁車輕
金犢肥。流蘇帳曉春鷄報。○籠中嬌鳥暖猶睡。
簾外落花閑不掃。衰桃一樹近前池。似惜容顏
鏡中老。

王樓春

晏同叔

詩眼云晏叔原見蒲傳正云先公平日
小詞雖多未嘗作婦人語傳正云綠楊
芳草長亭路年少拋人容易去豈非婦
人語乎晏曰公謂年少爲何語傳正曰
豈不謂其所歡乎晏曰因公言遂曉樂
天詩兩句欲留所歡待富貴富貴不來
所歡去傳正笑而悟其言之
失然此詞語意甚爲高雅

綠楊芳草長亭路。年少拋人容易去。樓頭殘夢
五更鐘。花底離愁三月雨。○無情不似多情苦。

一寸還成千萬縷。天涯海角有窮時。只有相思無盡處。

玉樓春

晏叔原

鞦韆院落重簾幕。寂寞春閑。倚綉戶。墻頭紅杏雨餘花。門外綠楊風後絮。○朝雲信斷。知何處。應作巫陽春夢去。紫騮認得舊遊蹤。嘶過畫橋東畔路。

玉樓春

宋子京

遊齋閑覽云張子野郎中以樂章名。一時宋子京尚書其才。先往見之。謂將命者曰尚書欲見雲破月來花弄影。郎中子野笑後呼曰得非紅杏枝頭春。意謂尚書耶。遂出置酒盡歡。蓋二人所舉皆其警策也。古今詩話亦云子野嘗作天鰓子詞。雲破月來花弄影。士大夫多稱之。張初詣見歐公。迎謂曰好雲破月來花弄影。恨相見之晚也。

東城漸覺風光好。嫩縠波紋迎客棹。綠楊煙外曉雲輕。紅杏枝頭春意鬧。○浮生長恨歡娛少。肯愛千金輕一笑。為君持酒勸斜陽。且向花間留晚照。

玉樓春

日照玉樓花似錦。樓上醉和春色寢。綠楊風送小鶯聲。殘夢不成離玉枕。○堪愛晚來韶景甚。

寶柱秦箏方再品。青蛾紅臉笑來迎。又向海棠花下飲。

王樓春

杜郎中

風解池冰蟬翅薄。庭樹枯枝翻翠萼。背寒迎暖起偏慵。閑捲朱簾凭畫閣。○晴景融融煙漠漠。天際行人乖信約。病容先怕見春來。長到恁時添瘦削。

王樓春

李後主

晚粧初了。明肌雪。春殿嬪娥魚貫列。笙簫吹斷。水雲閣。重按霓裳歌遍徹。○臨春誰更飄香屑。醉拍闌干情未切。歸時休照燭花紅。待放馬蹄清夜月。

王樓春

歐陽永叔

妖冶風情天與措。清瘦肌膚冰雪妬。百年心事一宵同。愁聽雞聲窓外度。○信阻青禽雲雨暮。海月空驚人兩處。強將離恨倚江樓。江水不能流恨去。

王樓春

詠劉阮事

周美成

桃溪不作從容住。秋藕絕來無續處。當時無奈鳥聲哀。今日重尋芳草路。○煙中列岫青無數。

鴈背夕陽紅欲暮。人如風後入江雲。情似雨餘粘地絮。

錦堂春 春情

趙德麟

茗溪叢語云趙德麟重門不鎖相思夢
隨意遊天涯徐師川門外重重疊疊山
蹇不斷愁來路二詞造
語不同其意絕相類

樓上綵簾弱絮。墻頭礙月低花。年年春事關心事。腸斷欲棲鴉。○舞鏡鸞衾翠減。啼珠鳳蠟紅斜。重門不鎖相思夢。隨意遊天涯。

畫堂春

秦少游

東風吹柳日初長。雨餘芳草斜陽。杏花零落燕

泥香。睡損紅粧。○香篆暗消鸞鳳。畫屏綵蓮。瀟湘暮寒輕透。薄羅裳無限思量。

畫堂春

落紅鋪徑水平池。弄晴小雨霏霏。杏花憔悴杜鵑啼。無奈春歸。○柳外畫樓獨上。凭欄手撚花枝。放花無語對斜暉。此恨誰知。

漢宮春 上元

康伯可

雲海沉沉峭寒收。建章雪殘。鳩鵲華燈照夜。萬井禁城行樂。春隨鬢影。映參差柳絲梅萼。丹禁杳。鰲峰對聳。三山上通寥廓。○春衫綉羅香薄。

步金蓮影下三千綽約。冰輪桂滿皓色冷浸樓閣。霓裳帝樂奏昇平。天風吹落。留鳳輦通宵宴賞。莫放漏聲閑却。

漢宮春

上元前一日立春

京仲遠

暖律初回。又燒燈市井。賣酒樓臺。誰將星移萬點。月滿千街。輕車細馬。隘通衢。蹴起香埃。今歲好土牛作伴。挽留春色同來。○不是天公省事。要一時壯觀。特地安排。何妨綵樓鼓吹。綺席樽壘。良宵勝景。語邦人。莫惜徘徊。休笑我痴頑。不去年年爛醉金釵。

漢宮春

梅花

晁叔用

蒼溪漁隱云此詞用王堂事乃引用薛維翰白王堂前一樹梅詩事或云宮苑之王堂非也又云曾端伯編樂府雅詞以此詞為李漢老作非也乃晁叔用作政和間以獻蔡攸是時朝廷方興大晟府蔡攸勢此詞是其父云今日於樂府中得一人京覽其詞喜之即除大晟府丞

瀟灑江梅向竹梢深處橫兩三枝東君也不愛惜雪壓風欺無情燕子惜春寒輕失佳期惟是有南來歸鴈年年長見開時。○清淺小溪如練問玉堂何似茅舍疎籬傷心故人去後冷落新詩。微雲淡月對孤芳分付他誰。空自倚清香未

減風流不在人知。

帝臺春 春情

李景元

芳草碧色萋萋遍南陌。飛絮亂紅也似知人春
愁無力。憶得盈盈拾翠侶。共携賞鳳城寒食。到
今來海角逢春天。天涯行客。○愁旋釋。還似織淚
暗拭。又偷滴。漫遍倚危欄。儘黃昏也只是暮雲
凝碧。拚則而今已拚了。忘則怎生便忘得。又還
問鱗鴻。試重尋消息。

絳都春

上元

丁仙現

融和又報。乍瑞靄霽色。皇州春早。翠幟競飛玉

勒爭馳。都門道。熬山綵結。蓬萊島。向晚色。雙龍

嚼照。絳綃樓上。彤芝蓋底。

西京賦芝蓋九葩

仰瞻天表。

○縹緲。風傳帝樂。慶三殿共賞。群僊同到。迤邐
御香飄。滿人間。聞嬉笑。須臾一點星。毬小。漸隱
隱。鳴稍聲杳。遊人月下歸來。洞天未曉。

絳都春

早梅

寒陰漸曉。報驛使探春。南枝開早。粉葉弄香。芳
臉疑酥。瓊枝小。雪天分外精神好。向白玉堂前
應到。化工不管朱門閉也。暗傳音耗。○輕渺。盈
盈笑。靨稱嬌面。愛學宮粧新巧。幾度醉吟。獨倚

欄干黃昏後。月籠疎影橫斜照。更莫待單于吹老。便須折取歸來。膽銜頸了。

海棠春

春情

流鶯窓外啼聲巧。睡未足把人驚覺。翠被曉寒輕。寶篆沉煙裊。○宿醒未解宮娥報。道別院笙歌會早。試問海棠花。昨夜開多少。

武陵春

風住塵香花已盡。日晚倦梳頭。物是人非事事休。欲語淚先流。○聞說雙溪春尚好。又聞雙溪春尚好。只恐雙溪舴艋舟。不動許多愁。

武陵春

燈夜觀雪既而月復明

毛澤民

風過水簷環珮響。宿霧在華茵。騰落瑤花襯月明。嫌怕有纖塵。○鳳口銜燈金炫轉。人醉覺寒輕。但得清光解照人。不負五更春。

洞天春

春情

歐陽永叔

鶯啼綠樹聲早。檻外殘紅未掃。露點珍珠遍芳草。正簾幃清曉。○秋千宅院悄悄。又是清明過了。燕蝶輕狂。柳絲撩亂。春心多少。

謝池春

張子野

繚牆重院。時聞有啼鶯到。繡被掩餘寒。盡幕明

新曉朱檻連空濶。飛絮舞多少。徑沙平池水渺。日長風靜。花影閑相照。○塵香拂馬逢謝女。城南道。秀艷過施粉。多媚生輕笑。鬪色鮮衣薄。碾玉雙蟬小。歡難偶。春過了。琵琶流怨。都入相思調。

洛陽春

朱希真

慣被好花留住。蝶飛鶯語。少年場上醉鄉中。容易放春歸去。○今日江南春暮。朱顏何處。莫將愁緒比飛花。花有數。愁無數。

洛陽春

陳無已

素手拈花纖軟。生香相亂。却須詩力與丹青。恐俗手難成染。○一顧教人微倩。那堪親見。不辭紫袖拂清塵。也要識春風面。

一枝春

除夕

楊守齋

竹爆驚春。競喧闐夜起。千門簫鼓。流蘇帳暖。翠鼎緩騰香霧。停杯未舉。奈剛要送年新句。應自賞歌字清圓。未誇上林鶯語。○從他歲窮日暮。縱閒愁怎減。劉郎風度。屠蘇辦了。迤邐柳忻梅妬。宮壺未曉。早騎馬繡車盈路。還又把月夕花朝。自今細數。

沁園春

春情

秦少游

宿靄迷空，膩雲籠日，晝景漸長。正蘭泥膏潤，誰
家燕喜，蜜脾香少，觸處蜂忙。盡日無人，簾幙挂
更風，迤遊絲時過墻。微雨後，有桃愁杏怨，紅淚
淋浪。○風流寸心易感，但依依竚立，回盡柔腸。
念小奩瑤鑑，重勻絳蠟，玉籠金斗，時熨沉香。柳
下相將遊冶處，便回首青樓成異鄉。相憶事，縱
蠻牋萬疊，難寫微茫。

沁園春

退居

辛幼安

三逕初成，鶴怨猿驚，稼軒未來。甚雲山自許，平
生意氣，衣冠入笑，抵死塵埃。意倦須還，身閑要
早，豈爲尊羹鱸膾哉。秋江上，看驚弦鴈避，駭浪
船回。○東岡更葺茅齋，好都把軒窗臨水開。要
小舟行釣，先應種柳，疎籬護竹，莫礙觀梅。秋菊
堪餐，春蘭可佩，留待先生手自栽。沉吟久，怕君
恩未許，此意徘徊。

春光好

袁仙

和凝

蘋葉軟，杏花明，畫船輕。雙浴鴛鴦，出綠汀。棹歌
聲。○春水無風無浪，春天半雨半晴。紅粉相隨
南浦晚，幾含情。

慶春澤 上元

劉叔安

燈火烘春樓臺浸月良宵一刻千金錦步承蓮
彩雲簇仗難尋。蓬壺影動星毬轉映兩行寶珥
瑤簪恣嬉遊玉漏聲催未歇芳心。○笙歌十里
誇張地記年時行樂憔悴而今客裏情懷伴人
閒笑聞吟小桃未靜劉郎老把相思細寫瑤琴
怕歸來紅紫欺風三徑成陰。

慶春宮

秋思

柳耆卿

雲 岡山圍曠野路山漸轉孤城衰柳啼鴉
驚 雁動人一片秋聲倦途休駕淡煙裏微

茫見星塵埃憔悴生怕黃昏離思牽縈。○華堂
舊日逢迎花艷參差香霧飄零絃管當頭偏冷
嬌鳳夜深簧暖笙清眼波傳意恨密約匆匆未
成許多煩惱只爲當時一餉留情。

燕春臺

春情

張子野

麗日千門紫煙雙闕瓊林又報春回殿閣風微
當時去燕還來五侯池館屏開探芳菲走馬重
簾人語轉轉車幃遠近輕雷。○雌觴霞灑翠幙
雲飛楚腰舞柳宮面粧梅金猊夜暖羅衣暗裏
香煤洞府人歸笙歌燈火樓臺下蓬萊猶有花

上月清影徘徊。

高陽臺

紅入桃腮。青回柳眼。韶華已破三分。人不歸來。空教草怨王孫。平明幾點催花雨。夢半闌。歌枕初聞。問東君。因甚將春。老却閑人。○東郊十里香塵。旋安排。玉勒整頓。雕輪趁取。芳時去。尋島上紅雲。朱衣引馬。黃金帶。笑到頭。總是虛名。莫閑愁。一半悲秋。一半傷春。

清平樂

黃魯直

春歸何處。寂寞無行路。若有人知春去處。喚取歸來同住。○春無踪跡。誰知除非問取黃鸝。百轉無人能解。因風飛過薔薇。

清平樂

趙德麟

春風依舊。著意隋堤柳。搓得鶯兒黃欲就。天氣清明時候。○去年紫陌青門。今宵雨魄雲魂。斷送一生憔悴。只消幾箇黃昏。

西平樂

周美成

穉柳蘇晴。故溪歇雨。川迥未覺春歸。駝褐寒侵。正憐初日輕陰。抵死須遮。嘆事逐孤鴻盡去。身與塘蒲共晚。爭知向此。征途區區。佇立塵沙。追

念朱顏翠髮曾到處。特地使人嗟。○道連三楚，天低四野，喬木依前臨路。欹斜重思，想東陵晦迹，彭澤歸來。左右琴書自樂，松菊相依，何況風流鬢未華。多謝故人親馳鄭驛，鄭當時為太子賓客置驛馬諸郊請謝賓客時倒融尊，孔融日座上客常勸此淹留。共過芳時，翻令倦客思家。

未遇樂

解方叔

風暖鶯嬌露濃花重。天氣和煦。院落煙收，垂楊舞困，無柰堆金縷。誰家巧縱青樓絃管，惹起夢雲情緒。憶當時文衾粲枕，未嘗暫孤鴛侶。○芳菲易老，故人難聚，到此翻成輕誤。閨苑仙選，蠻牋縱寫，何計傳深訴。青山綠水，古今長在，惟有舊歡何處。空贏得斜陽暮草，淡煙細雨。

虞美人

李後主

雪浪齋日記云荆公問山谷云作小詞曾看李後主詞否云曾看荆公云何處最好山谷以一江春水向東流為對荆公云未若細雨夢回鷄塞遠小樓吹徹玉笙寒尤為高妙

春花秋月何時了。往事知多少。小樓昨夜又東風。故國不堪回首月明中。○雕欄玉砌應猶在。只是朱顏改。問君都有幾多愁。恰似一江春水

草堂詩餘卷一
向東流。

虞美人

蘇子瞻

落花已作風前舞。又送黃昏雨。曉來庭院半殘紅。惟有遊絲千丈。裊晴空。○慙慙花下重携手。更盡盃中酒。美人不用歛歌眉。我亦多情無柰酒闌時。

虞美人 離懷

蘇子瞻

冷齋夜話云坡與少游維揚飲別作此世傳為賀方回作非也山谷亦云大觀中於金陵見其親筆醉墨超逸氣壓王子敬蓋東坡詞也

波聲拍枕長淮曉。紫月窺人小。無情汴水自東

流。只載一船離恨。向西州。○竹溪花園曾同醉。酒味多於淚。誰教風鑑在塵埃。醜造一場煩惱。送人來。

虞美人

蘇子瞻

冰肌自是生來瘦。那更分飛後。日長簾幕望黃昏。及至黃昏時候。轉銷魂。○君還知道相思苦。怎忍拋奴去。不辭迢迢過關山。只恐別郎容易見郎難。

虞美人 春情

蘇子瞻

深深庭院清明過。桃杏初紅破。柳絲搭在玉欄

千。簾外瀟瀟微雨。做輕寒。○晚晴臺榭增明媚。
已拚花前醉。更闌人靜。月侵廊。獨自行來行去。
好思量。

解語花 上元

周美成

風銷焰蠟。露浥烘爐。花市光相射。桂華流。九織
雲散。耿耿素娥欲下。衣裳淡雅。看楚女。織腰一
把。簫鼓喧人。影參差。滿路飄香。麝。○因念帝城
放夜。望千門如畫。嬉笑遊冶。銅車羅帕相逢處。
自有暗塵隨馬。年光是也。惟只見。舊情衰謝。清
漏移。飛蓋歸來。縱舞休歌罷。

傳言玉女

一夜東風不見柳。稍殘雪。御樓煙暖對鰲山綵
結。簫鼓向曉。鳳輦初回。宮闕千門燈火。九達風
月。○綉閣人人。乍嬉遊。困又歌。艷粧初試。把珠
簾半揭。嬌羞向人。手撚玉梅低說。相逢長是上
元時節。

金人捧露盤 感懷

曾純甫

王林詞選云。公東都故老。及見中興之
盛者。詞多感慨。庚寅春奉使過京師。作
金人捧露盤。憶秦城等曲。悽然有黍離
之悲。如柳辭道上望叢臺。有感作憶秦
城。云風蕭瑟。邯鄲占道。傷行客。傷行客
繁華一瞬。不堪思憶。○叢臺歌。舞無消

息金尊。玉管空陳迹。空陳迹。連天草。樹暮雲凝。舉亦有感慨故併錄之。

記神京繁華地。舊游蹤。正御溝春水溶溶。平康巷陌。綉鞍金勒。躍青驄。解衣沽酒。醉絃管。柳綠花紅。○到如今。餘霜鬢。嗟前事。夢魂中。但寒煙滿目。飛蓬雕闌。玉砌空餘三十六離宮。塞笳驚起暮天鴈。寂寞東風。

風流子

春情

秦少游

東風吹碧草。年華換。行客老滄洲。見梅吐舊英。柳搖新綠。惱人春色。還上枝頭。寸心亂。北隨雲黯黯。東逐水悠悠。斜日半山。暝煙兩岸。數聲橫笛。一葉扁舟。○青門同攜手。前歡記。渾似夢裏揚州。誰念斷腸南陌。回首西樓。算天長地久。有時有盡。柰何綿綿此恨無休。擬待倩人說與。生怕伊愁。

風流子

周美成

新綠小池塘。風簾動。碎影舞斜陽。羨金屋去來。舊時巢燕。土花繚繞。前度莓牆。綉閣鳳幃深幾許。曾聽得。理絲簧。欲說又休。慮乖芳信。未歌先咽。愁近清觴。○遙知新粧了。開朱戶。應自待月西廂。最苦夢魂。今宵不到伊行。問甚時說與佳

音密耗寄將秦鏡偷換韓香。賈充女私通韓壽竊奇香與之天
便教人霎時斷見何妨。

風流子 秋思

周美成

楓林凋晚葉。關河迥楚客。慘將歸。望一川暝靄。
鴈聲哀怨。半規涼月。人影參差。酒醒後。淚花銷
鳳蠟。風幕捲金泥。砧杵韻高。喚回殘夢。綺羅香
減。牽起餘悲。○亭皋分襟地。難拚持一處偏是
掩面牽衣。何況怨懷長結。重見無期。想寄恨書
中。銀鈞空滿。斷腸聲裏。玉筩還垂。多少暗愁密
意。惟有天知。

風流子

張文潛

亭皋木葉下。重陽近。又是搗衣秋。奈愁入庾腸。
老侵潘鬢。漫簪黃菊。花也應羞。楚天晚。白蘋煙
盡處。紅蓼水邊頭。芳草有情。夕陽無語。鴈橫南
浦。人倚西樓。○玉容知安否。香牋共錦字。兩處
悠悠。空恨碧雲離合。青鳥沉浮。向風前懊惱。芳
心一點。寸眉兩葉。禁甚閑愁。情到不堪言處。分
付東流。

綺羅香 春雨

史邦卿

做冷欺花。將煙困柳。千里偷催春暮。盡日冥迷

愁裏欲飛還住。驚粉重蝶宿西園。喜泥潤燕歸南浦。最妨他佳約風流。鈿車不到杜陵路。○沉沉江上望極。還被春潮急難尋官渡。隱約遙峯和淚謝娘眉嫵。臨斷岸新綠生時。是落紅帶愁流處。記當日門掩梨花。剪燈深夜語。

桂枝香

金陵懷古

王介甫

古今詞話云金陵懷古諸公寄詞於桂枝香凡二十餘首獨王介甫最為絕唱東坡見之不覺嘆息口此乃老野狐精也

登臨送目。正故國晚秋。天氣初肅。瀟酒澄江似練。翠峰如簇。征帆去棹殘陽裏。背西風酒旗斜

盡。綵舟雲淡。星河驚起。圖畫難足。○念自昔豪華競逐。恨門外樓頭悲懼相續。千古憑高對此。漫嗟榮辱。六朝舊事隨流水。但寒煙衰草凝綠。至今商女時時尚歌後庭遺曲。

草堂詩餘卷上

後集

目錄

滿江紅 六首

臨江仙 七首

洞仙歌 六首

法曲獻仙音

聲聲令

聲聲慢

石州慢

拜星月慢

惜餘春慢

瀟湘逢故人慢

驀山溪 五首

踏莎行 六首

少年遊 四首

浣溪沙 十九首

西江月 九首

酌江月 二首

青門引

陽關引

華胥引

蕙蘭芳引

梅花引

江城梅花引

青玉案 四首

玉聯環

繫裙腰

小重山 五首

小冲山 二首

柳梢青 四首

金蕉葉

減字木蘭花

木蘭花令 二首

木蘭花慢

雨中花

滿路花 二首

促拍滿路花

鬪百花

花心動

兩同心

念奴嬌 十六首

臣等謹將所擬章程開列於左

